

Duzmeuz Ranz Gou

□ Cinz Ginhvah / 覃金花

Gou doeg cuhcungh seizhaenx, deng duzma yak ndeu haeb gvaq. Ndigah, cigdaengz seizneix gou lij lau ma yaek dai, bae ranzvunz raen naj bakdou miz ma, gou couh lau ndaej hemq hwnjdaej. Lienz duzmeuz gou hix lau, gwnz loh nyangz ma meuz, gou doq buetdeuz. Goj naeuz duzmeuz unqswnh, lajmbanj mbangj vunz maij ciengx saek duzmeuz youq ranz. Mboujguenj duzmeuz baenzlawz unqswnh dwggyaez, gou cungj lau, cungj mbouj gamj lumj bouxwnq bae lumh bae umj youq ndaw rungj. Hoeng doxaeu le, gou couh youq ranz ndwi, mbouj okrog bae guhhong. Ngoenz-ngoenz cungj dwg gou nem duzmeuz youq ranz, lau de cix deng ngoenzngoenz nem de guhdoi, baez nanz lainoix goj miz saekdi gamjeingz ne.

It. Meuz Cing Lumj Vunz

Goj naeuz duzmeuz coengmingz, caen dahraix. Baez raen gou gwn doenghyiengh, lumj gwn lwgmak, mienhbau caemhcaiq ndoet raemx, de couh gaenlaeng dwkndundu, hemq “meu meu” mbouj dingz mbouj duenh. Mwngz mbouj vit saekdi hawj de gwn, de gwq ngiengxgyaeu ngonz mwngz gwq hemq, lumjbaenz ngaecq “hawj di gou”. Vit di hawj de, de ngaemgyaeu nyouq gonq, maij gwn couh gwn, mbouj maij couh byaijdeuz. Dou gig noix daegdaengq gueng de, cungj dwg gwn ngaiz gwn caeuz seiz

vit saekdi hawj de gwn couh ndaej.

De ngah gwn byaekheu caeucq noh. De maij gwn nohcing, mbouj ngah gwn nohbiz, gou cix mbouj maij gwn nohcing. Baenzneix baez nip ndaej nohcing, gou couh vit hawj de gwn. Duzmeuz gvai yaek dai bae, danghnaeuz nohcing nohbiz gyaux de couh aeu nyauj bae nyauj giz biz gaiq noh, ngaemgyaeu bae nyep giz cing, gwn vanswdsd bw! Mbangjseiz byaekheu mbouj gaeuq soengq ngaiz, hix aeu nip dawh byaekheu ndeu hawj de gwn, mboujnex de couh gwq aeu gyauj daej lumh din mwngz, aeu naj daej ing ga mwngz.

Gyanghaet hwnqdaej, raen de boemz youq gwnz cauq, hemq de cungj mbouj han mwngz. Aenvih gyanghaet dou cungj gwn cuk, cuk mbouj gyu mbouj youz, de mbouj ngah, rox mwngz mbouj miz maz huq ndei hawj de gwn, nyengh mbouj guhsing dam mwngz. Daengz banngaiz gou ronq byaek yaek loengh ngaiz seiz, de couh youq henz din gou cienq bae cienq dauq, “meu meu” nyaengq hemq mbouj dingz, seiz mbouj seiz ngiengxgyaeu yawj gou. Caen lumj boux lwgnyez cam naeuz “cawj maz byaek ha”, caen cing lumj vunz!

Ngeih. Duzmeuz Ndei Lox Lwgnyez

Dou gizneix miz lwgnyez iq lai, lwgnyez iq goj lai ngah daej. Mboujgvaq, caen geizgvaiq lo, bouxboux lwgnyez yaek daej seiz,

daeuj ranz gou ndaej raen duzmeuz couh mbouj daej lo. Ranznden miz boux lwgnyez ndaej song bi, daxbuz de youq ranz daiq, de saek geij faencung mbouj raennaj daxbuz de couh daejngaungau.

Haethaenx, buz de naeuz bae gueng gaeq, caiq rwed byaek mbaet byaek, hemq de youq ranz gou gaen gou saek seiz, de han naeuz “w”. Buz de byaijdeuz lo, gou aeu di mienhbau hawj de gwn, yien de bae rog bakdou guhcaemz, caih de gag maez. Byawz rox, ngamq ndaej geij faencung, de couh mbwq lo, mbouj nyienh lo, gwq hemq “daxbuz daxbuz daxbuz”, gaendwk couh daejlanglang hwnj-daeuj. “Daxbuz bae gueng gaeq ha, yaep ndeu couh ma lo.” Gou sing unq nai de, de cix yied daej sing yied hung, raemxda doekbyoegbyoeg. Gou baenzlawz lox de cungj mbouj dingz, de gaem fwngz gou doq beng doq byaij, yaek heuh gou yien de bae ra buz de. Gou baenzlawz rox suenbyaek ranz de youq gyawz, rox bae gyawz ra?

Doeklaeng, mbouj miz banhfp lo, gou cij ndaej naeuz: “Raeuz bae yawjyawj duzmeuz youq gyawz, bae lwi?” Mbouj rox de dwg mbouj roxnaj duzmeuz roxnaeuz dwg noix raen duzmeuz, ndaejni gou baenzneix naeuz, sing daej de iq lo. Gou yien de byaij maranz, caengz byaij daengz bakcauq gou couh hemq “meu meu”, de caemrwrwd gaen gou byaij, gaenq mbouj daej lo. “Ne, duzmeuz youq henz neix, raen lwi?” Gou doq fwngz vix coh gwnz cauq bae doq heuh “meu

meu”, duzmeuz hix “meu meu” han gou. De cimyawj dwk duzmeuz, hix ngw hemq “meu” sing ndeu, duzmeuz hix “meu” han de. Raen duzmeuz han de, de riu lo, angqfwngfwng “meu meu meu” hemq mbouj dingz, yied hemq sing yied hung.

Gou raen de baenzneix sim’ angq, bae ndaw gungx dawz aen giuz iq okdaej, dwk coh henz din meuz bae. Duzmeuz sikhaek iet cik ga naj daej yaek nyauj aen giuz. Gou youh bae aeu aen giuz dauq, de youh ndiengq cik ga naj hwnjdaej bae lauz. Couh yienghneix, gou nem duzmeuz caemz aen giuz iq caemz ndaej gig mizyinx, de yawj ndaej bak aj mbouj rox haep bae. Doeklaeng de hix iet fwngz okdaej caeucq duzmeuz loengh giuz. Hoeng, de cix mbouj lumj gou yienghneix daeucq duzmeuz, de aeu giuz bae moeb duzmeuz, duzmeuz doq doeksaet ndaej suk aen ndang hwnjdaej.

(caengz sat)



Ciengxlwenx Gaen Dangj Byaij

□ Ganh Vwnzswng Guj Gyah / 甘文胜 古佳

Ngeix daengz seiz gaxgonq,
Ra haeux donq mbouj raen,
Gungcanjdangj daej daengz,
Cungguek raen mbwn rongh.

Gaijfang geijcib bi,
Raeuz raen ndi (ndei) liux nauq,
Baengh dangj daej lingjdauj,
Gyauq guh monz youh monz.

Gungcanjdangj gangj leix,
Yienghyiengh ngeix beksingq,
Gangj diuzdiuz cungj cingq,
Raeuz ndaej ing ndaej baengh.

Gungcanjdangj lumj boh,
Vix loh hawj raeuz byaij,
Miz gyoengqde daej daiq,
Roen baihnaj ronghsag.

Ndaem haeux mbouj nab liengz,
Siengj daej daengx sim roux,
Ndaem faex miz ngaenz bouj,
Vunzmbanj bouxboux angq.

Vunzgeq 60 bi,
Ndaej dij goj lingx ngaenz,
Yienznaeuz geijcib maenz,
Gwndaenj cix mbouj you.

Boux maiq caeucq lwgyax,
Ra boux goq mbouj miz,
Gungcanjdangj caen ndi(ndei).
Gijmaz cungj soengq daej.

Banneix youq ndaw mbanj,
Ciengx doihdaz daihbaj,
Ndaem mak rim gwnz bya,
Ra ngaenz ndaej vei lai.

Boux bae guh seng’ eiq,
Bi beij bi ndaej lai,
Ngoenz sou cienz sou caiz,
Lumj log vaiz haeuj riengh.

Hawj raeuz byaij roen hung,
Gyoengqvunz bouxboux angq,
Caiq byaij hwnj siujganh,

Raeuz angqyangz gvaq ngoenz.

Ranz rengq guh ranz laeuz,
Cwngfuj bouj hawj ngaenz,
Ranz youq guh ndaej maenh,
Rumzfwn daengz mbouj lau.

Swlaizsuij daengz ranz,
Mbanjmbanj roensuijniz,
Dienhdaeng ronghbibi,
Miz gwn youh miz daenj.

Youq gyae yawj aen mbanj,
Ndongqranrang lumj gim,
Cungj laihaeuz ndaw singz,
Gizgiz cingh dangqmaz.

Gyanghongh ndaem go va,
Gwnz bya ndoeng faex laep,
Raemx lae lumj doxgyaep,
Caekcaek heu lumj yawh.

Ndaw mbanj caeucq gwnz haw,

Doegsaw hix doxlumj,
Bouxhaw caeucq bouxrung,
Cungj doengzcaeuz hwnjdangz.

Daiq raeuz byaij siujganh,
Raeuz doq angq doq bae,
Diuz roen neix mbouj yaez,
Yied bae yied raen rongh.

Aen dangj raeuz miz sim,
Cim bae gyae bae gyengq,
Va hai doh seiqlengq,
Guekgya engq hoenghhwd.

Raeuz aeu dingq dangj gangj,
Ganq siujganh sevei,
Caiq gvaq sam haj bei(bi),
Caen ndei liux ndei nauq.

Gaen riengz Gungcanjdangj,
Byaij siujganh daengz gwnz,
Mbouj faen ngoenz caeucq hwnz,
Gaen ciuh vunz raeuz guh.